

春秋左傳類解

春秋左傳類解曹卷之十七

蘆泉劉績編註

曹

曹州今隸山東兗州府

姬姓伯爵出自文王子叔振鐸武王克商封之曹其地禹貢兗州陶丘之北雷夏荷澤之野濟陰定陶縣是也叔正鐸生大伯脾脾生仲君平平生宮伯侯侯生孝伯雲雲生夷伯喜喜立三十年卒弟幽伯強立幽伯九年弟蘇弑幽伯代立是爲戴伯立三十年卒子惠伯兕立三十六年卒子石甫立其弟武弑之代

立是為繆公繆公子桓公終生三十五年入春秋一作

終涅涅音生

後傳至伯陽為宋滅

桓公

名終生繆公子三十五年入春秋桓十年卒在位五十五年謚法辟土服遠曰桓

戊寅桓九年

○冬曹伯使其世子射姑來朝

射音亦蓋曹伯有疾使世

天子攝行朝禮然當施于天子而不當施于諸侯

冬曹太子來朝賓之以上卿禮也

周官典命凡諸侯之嫡子誓於

天子而攝其君則下其君之禮一等未誓則以皮帛繼子男其賓之皆以上卿之禮享曹大

子初獻樂奏而嘆施父曰

魯惠公子為魯大夫

曹太子有其

憂乎非歎所也

○穀梁曰朝不言使言使非正也

朝乃諸侯自使來故不言使

世子仇諸侯之禮而來朝曹侯失正矣諸侯相見曰
朝以待人父之道待人之子以內為失正矣內失正曹
伯失正世子可以已矣則是放命也尸子曰夫已多
乎道已止也尸子名從晉人放當作方荀子不放
舟不避風則不可涉也亦同方言魯失正曹
伯失正為世子者可以止而不來朝矣然又嫌方
父命之罪故引尸子言止之為是蓋止則不陷父
于不義已無苟從而魯亦
不失正是道之所重也

己卯桓公十年春王正月庚申曹伯終生卒夏五月葬曹
桓公

十年春曹桓公卒。

莊公

名射姑桓公子桓十一年謚法武而不遂曰莊
年卒在位三十一年

庚戌莊二
十三年
○冬十有一月曹伯射姑卒

僖公

名赤史作夷莊公庶子戎之外孫莊公卒世子羈繼立不能君為狄逐立赤莊二十

四年即位三十二年卒在位九年謚法小曰僖

辛亥莊二
十四年

○葬曹莊公○冬戎侵曹曹羈出奔陳赤

歸于曹

杜云羈乃曹世子曹伯已葬猶不稱爵者以微弱不能君故為戎所逐耳赤乃曹庶公子

戎之外孫故為戎所納

○公羊曰曹羈者何曹大夫也曹無大夫此何以

書賢也

小國大夫位卑不書名氏略而書人故曰無大夫

何賢乎曹羈戎

將侵曹曹羈諫曰戎衆以無義君詰勿自敵也曹

伯曰不可三諫不從遂去之

註三者取月之三曰而成讎臣道就也

故君子以為得君臣之義也

與傳異亦姑錄之

癸丑莊二十六年

○曹殺其大夫

不書名衆也且言非其罪也豈亦殺其不附已者與

○公羊曰何以不名衆也曷為衆殺之不死乎曹

君者也

何註曹諸大夫與君俱敵我戰曹伯為戎所殺諸大夫不伏節死義獨退求生後嗣

子立而誅之春秋以為君死乎位曰滅曷為不言

其滅為曹羈諱也此蓋戰也何以不言戰為曹羈

諱也

註羈出奔嫌避難欲起其賢又所諫者戰也故為去戰滅之文所以致其意也曹無大夫

書殺大夫者起當誅也

昭公

名班僖公子閔元年即位僖七年卒在位九年諡法昭德有勞曰昭

戊辰七年

○曹伯班卒

班公羊作般

○冬葬曹昭公

共公

名襄昭公子僖八年即位文九年卒

己丑僖二

○曹伯襄復歸于曹遂會諸侯圍許春秋文

曹衛致楚執曹伯界宋人會諸侯于溫許不會故圍之事見晉

晉侯有疾曹伯之豎侯孺貨筮史

豎掌通內外使者史晉史使

曰以曹為解齊桓公為會而封異姓封邢今君為

會而滅同姓曹叔振鐸文之昭也先君唐叔武之

穆也且合諸侯而滅兄弟非禮也與衛偕命而不

與偕復非信也

私許復曹衛時衛侯已復國見晉

同罪異罰非刑

也禮以行義信以守禮刑以正邪舍此三者君將

若之何公說復曹伯遂會諸侯圍許

戊戌文四年

曾伯如晉會正

入晉會受貢賦之政時襄公繼文公霸

癸卯文九年

○秋八月曹伯襄卒○葬曹共公

文公

名壽共公子文十年即位宣十四年卒在位二十三年諡法愍民惠禮曰文

乙巳文十一年

○秋曹伯來朝

秋曹文公來朝即位而來見也

己酉文十五年

○夏曹伯來朝

夏曹伯來朝禮也諸侯五年再相朝以脩王命古

之制也

丙寅宣十四年

○夏五月壬申曹伯壽卒○葬曹文公

宣公

名廬史作驪文公子宣十五年即位

在位十七年諡法聖善周聞曰宣

丁丑成
七年

○夏五月曹伯來朝

夏曹宣公來朝

蓋成公嗣位而始來見也

癸未成
十三年

○曹伯廬卒于師

○冬葬曹宣公

時晉會魯齊宋衛鄭

邦滕伐秦見晉

曹人使公子負芻守

宣公庶子

使公子欣時逆曹伯之

喪

欣時亦宣公庶子

秋負芻殺其太子而自立也

殺宣諸公子

侯乃請討之晉人以其役之勞請侯他年冬葬曹

宣公既葬子臧將亡

即欣時

國人皆將從之成公乃

懼

即負芻

告罪且請焉

子臧乃反而致其邑

而致其私邑於成公不食其祿

成公

名負芻宣公廢子弒世子自立成十四年即位襄十八年卒在位二十三年諡法安

民立政曰成

乙酉成十五年

○癸丑公會晉侯

屬

衛侯

獻

鄭伯

成曹伯宋

共

世子成齊

國佐

邾人同盟于戚晉侯執曹伯歸

于京師

晉執既當其罪又不敢自治歸於天子故惟此獨書爵以美之公作歸之于

十五年春會于戚討曹成公也執而歸諸京師書

曰晉侯執曹伯不及其民也

經書晉侯執曹伯謂討罪止出自晉侯於

曹人無與故曰不及其民所以罪曹人而與晉討也

凡君不道於其民諸侯

討而執之則曰某人執某侯不然則否

凡國君民欲討其為

不道諸侯能討而執之則書曰某人執某侯則不書人如此若不出於民而止出於別國諸侯則不書人如此

例書為按傳扎謂諸侯與曹人不義曹君及下文之請則但知不義而不欲討其罪也舊以曹君隱不及民故不書諸侯將見子臧于王而立之子臧人於理不誦

辭曰前志有之曰聖達節達通變不拘也次守節守一定不易也

下失節失不能守身也為君非吾節也雖不能聖敢失守

乎遂逃奔宋

丙戌成十六年曹人請于晉曰自我先君宣公即世國人

曰若之何憂猶未彌而又討我寡君以亡曹國社

稷之鎮公子指子臧奔宋是大泯曹也泯滅也先君無乃

有罪乎若有罪則君列諸侯矣諸侯雖有篡弑罪侯伯已與之會則

不復討指前會戚諸侯廢立當由天子此乃春秋時之禮也君惟不遺德刑以

伯諸侯豈獨遺諸敝邑敢私布之

○曹伯歸自京師

書自京師見天王釋有罪也

曹人復請于晉晉侯謂子臧反吾歸而君子臧反

曹伯歸子臧盡致其邑與卿而不出

子臧不出仕

○公羊曰執而歸者名曹伯何以不名而不言復

歸于曹何易也

註易故未言之不復舉國名

其易奈何公子喜

時在內也公子喜時在內則何以易公子喜時者

仁人也內平其國而待之外治諸京師而免之其

言自京師何言甚易也舍是無難矣

舍同捨是措京師言天子

既免則其餘無難矣

○穀梁曰曹伯歸自京師不言所歸歸之善者也
出入不名以為不失其國也歸為善自某歸次之

丙午襄
十八年

○曹伯負芻卒于師

時同晉國
齊見魯

丁未襄
十九年

○葬曹成公

武公

名勝成公子襄十九年即位
在位二十七年諡法大志多窮曰武

巳酉襄
二十一年

○曹伯來朝

冬曹武公來朝始見也

即位
來見

癸酉昭
二十四年

○三月曹伯滕卒○秋葬曹武公

平公

名湏武公子昭十五年即位
在位四年卒諡法治而無青曰平

丁丑
昭十

有八年春王三月曹伯湏卒○秋葬曹平公

傳見

三月曹平公卒。

悼公

名午平公子昭十九年即位二十七年卒在位九年諡法恐懼從處曰悼

己卯昭二十年

○夏曹公孫會自鄭出奔宋

鄭策謂夢三音穀作夢會子臧

之子鄭子臧之邑

○穀梁曰自夢者專乎夢也曹無大夫其曰公孫

何也言以其貴取之而不以叛

會以公孫之貴而得夢既而不以之

叛明曹君無道致令其奔非會之罪也

○公羊曰奔未有言自者此其言自何畔也

謂盜

朱畔則曷為不言其畔為公子喜時之後諱也

時喜

即子

春秋為賢者諱何賢乎公子喜時讓國也其

讓國奈何曹伯廬卒於師

成十年

則未知公子喜時

從與

喜時曹伯廬弟

公子負芻從與

負芻喜時庶兄古者諸侯師出世子率與

守國次宜為君者持棺絮從所以備不虞或時疾

病相代行史文不具故疑之解云與國之衆也棺

禮云以裨從之是也絮謂新綿乃屬續俟氣絕者

或時疾病相代行者以曹伯無子喜時其母弟當

守國公子負芻庶兄禮當從君或時負芻疾而

喜時代之行傳不言者正以史文不具故也或

為主于國或為主于師公子喜時見公子負芻之

當主也逡巡而退賢公子喜時則曷為為會諱君

子之善善也長惡惡也短惡惡止其身善善及子

孫賢者子孫故君子為之諱也

丙戌昭二
十七年

○冬十月曹伯午卒。

聲公

名野悼公弟昭二十八年即位三十二年弒在位五年謚法不生其國曰聲

丁亥

二十有八年春王三月葬曹悼公。

隱公

名通平公弟定元年弒兄自立在位四年為弟弒謚法隱哀之也

靖公

名露聲公弟弒隱代立定五年即位卒謚法寬樂令終曰靖

己亥定
八年

○曹伯露卒○葬曹靖公。

伯陽

靖公子定九年即位在位十五年為宋所滅

癸卯定
十二年

○衛懿公孟彊帥師伐曹。

彊音桓衛公子孟縶之子

十二年夏衛公子孟彊伐曹克郊還滑羅殿未出不

退於列

師未出曹克殿當在後今反在列言其畏也

其御曰殿而在列。

其為無勇乎。羅曰：與其素厲，寧為無勇。云：「偶惡也。」杜

伐小國，當示畏懼，以誘之，不可空為勇惡而已。

甲辰定十三年

○衛公孟彊帥師伐曹。

高氏曰：衛比伐曹，曹不叛晉，故也。

己酉哀三年

○宋樂髡帥師伐曹。

曹本屬宋，定十年宋樂大心奔曹，黨之叛宋，故

宋伐曹

壬子哀六年

○宋向巢帥師伐曹。

癸丑哀七年

○宋景人圍曹。冬，鄭駟弘帥師救曹。

宋人圍曹。鄭桓子思曰：

即國參桓，詰也。子產之子。

宋人有曹。鄭

之患也，不可以不救。冬，鄭師救曹，侵宋。初，曹人或

夢衆君子立于社宮，而謀亡曹。曹叔振鐸請待公。

孫彊許之旦而求之曹無之戒其子曰我死爾聞公孫彊為政必去之及曹伯陽即位好田弋曹鄙人公孫彊好弋獲曰鴈獻之且言田弋之說說之

下說音悅

因訪政事大說之有寵使為司城以聽政

者之子乃行彊言霸說於曹伯曹伯從之乃背晉

而奸宋宋人伐之晉人不救築五邑於其郊曰黍丘

揖丘大城鍾邰

梁國下邑縣西南有黍丘亭

甲寅

八年春王正月宋公入曹以曹伯陽歸

不書滅曹曹自

也滅

八年春宋公伐曹將還褚師子肥殿曹人詒之不

行止殿兵師待之公聞之怒命反之遂滅曹執曹伯
及司城疆以歸殺之

春秋左傳類解曹卷之十七終

春秋左傳類解蔡卷之十八

盧泉劉績編註

蔡

上蔡新蔡在今河南汝寧府南直隸鳳陽府壽州北有下蔡城

姬姓侯爵出自周文王第五子叔度武王克商封於蔡其地蔡州上蔡縣西南十里故蔡城是也武王崩成王少與管叔解挾紂子武庚作亂周公誅武庚殺管叔而放蔡叔遷之車十乘徒七十人叔度既遷而死其子胡率德改行周公舉以為魯卿士魯國治於是言於成王復封于蔡是為蔡仲蔡仲卒子蔡伯荒

立蔡伯荒卒。子宮侯立。宮侯卒。子厲侯立。厲侯卒。子武侯立。武侯卒。子夷侯立。二十八年卒。子釐侯所事立。四十八年卒。子共侯興立。二年卒。子戴侯立。十年卒。子宣公考父立。史作宣侯。楷父宣。宣公二十八年入春秋。至平侯徙新蔡。即古呂國蔡州。新蔡縣是也。至昭侯服役於楚。徙州來。淮南下蔡是也。後成侯十年獲麟。成侯子聲侯。聲侯子元侯。元侯子侯。齊傳三十四年。楚惠王滅之。

宣公

名考父。二十八年入春秋。隱八年卒。在位三十五年。謚法施而不成曰宣。

丙寅
八年

○夏六月己亥蔡侯考父卒。○八月葬蔡宣

公不及五
月簡也

○公羊曰卒何以名而葬不名卒從正而葬從主

人卒當赴告天子君前臣名故從君臣之正義言也葬有常月可知不赴天子故自從蔡臣子辭

卒何以日而葬不日卒赴而葬不告

桓侯名封人宣公子隱九年即位桓十七年卒在位二十年謚法辟遠為桓

丙戌年桓十七年○六月丁丑蔡侯封人卒秋八月蔡季自陳

莊歸于蔡癸已葬蔡桓侯蔡本侯爵葬不請王命私謚稱公因書以示譏笑助

曰蔡桓何以稱侯蓋蔡季之賢知請謚也

蔡桓侯卒蔡人召蔡季于陳季字也蔡侯之弟秋蔡季自

陳歸于蔡蔡人嘉之也按何氏蔡封人無子季次當立封人欲立獻舞而疾

李季避之陳封人卒乃歸
奔喪無恙心故賢而字之

哀侯

名獻舜桓侯弟桓十九年即位莊十年為楚獲尋殺之莊十九年卒史記哀侯留九

歲死于楚與傳異在位二十年謚法登孤短折曰哀

丁酉年

○秋九月荆敗蔡師于莘以蔡侯獻舞歸

華所

中反舞穀作武

蔡哀侯娶于陳息侯亦娶焉

息國在汝南新息縣今汝寧府光川息縣

息嬀將歸過蔡蔡侯曰吾姨也

妻之姊姊曰姨止而見之

弗賓息侯聞之怒使謂楚文王曰伐我吾求救於

蔡而伐之楚子從之秋九月楚敗蔡師于莘

華蔡地

以蔡侯獻舞歸

○公羊曰荆者何州名也州不若國國不若氏氏不若人人不若名名不若字字不若子蔡侯獻舞何以名絕曷為絕之獲也臣虜故絕書名曷為不言其獲不與夷狄之獲中國也春秋內中國外夷狄故不與楚獲蔡

此義甚正

○穀梁曰荆者楚也何為謂之荆狄之也何為狄之聖人立必後至天子弱必先叛故曰荆狄之也蔡侯何以名也絕之也何為絕之獲也中國不言敗此其言敗何也如楚戰邲晉師敗績不言楚敗晉師中國不言敗蔡侯其見獲乎其言敗何也釋蔡侯之獲也中國不言

敗欲明蔡侯之獲故言然不言也以歸猶愈乎執也

獲而言敗者獲尤甚不可言也

為中國諱兄執故言以歸

蔡哀侯為莘故繩息媯以語楚子繩譽美也楚子

如息以食入享遂滅息以息媯歸生堵敖楚人謂未成君

為教及成王焉未言楚子問之對曰吾一婦人而事

二夫縱弗能死其又奚言楚子以蔡侯滅息遂伐

蔡秋七月楚入蔡君子曰商書所謂惡之易也如

火之燎于原不可弭邇其猶可撲滅者其如蔡哀

侯乎商書盤庚篇言火燎原野人不可向近既向近其勢豈可撲滅楚如火而蔡近之故取

也禍

穆公

名勝哀侯子莊二十年即位僖十四年卒在位二十九年謚法中情見貌曰穆

乙亥
十四年

○冬蔡侯盼卒。

○穀梁曰諸侯時卒惡之也。

莊公

名甲午穆公子僖十五年即位文十四年卒在位二十四年謚法武而不遂曰莊

己酉
十五年

○晉

靈卻缺帥師伐蔡戊申入蔡。入而不言伐之不服

而後
入也

新城之盟

年在十四年見邾

蔡人不與晉卻缺以上軍下軍

伐蔡曰君弱不可以怠

時晉靈公初

戊申入蔡以城下

之盟而還凡勝國曰滅之獲大城焉曰入之。

○公羊曰入不言伐此其言伐何至之日也其日

何至之日也

註用兵之道當先至竟侵責之不服乃伐之今日至便以今日伐之故曰

以起其暴也按傳謂以伐之日即入故書伐其伐乃戊申故書日

文公

名申莊公子文十六年即位宣十七年卒在位三十年謚法慈惠愛民曰文

己巳年宣○丁未蔡侯申卒○葬蔡文公

景公

名圉文公子宣十八年即位襄三十年弒在位四十九年謚法布義行剛曰景

戊申襄二十年

○蔡殺其大夫公子燮蔡公子履出奔楚燮殺

濕作

蔡公子燮欲以蔡之晉

蔡莊公子

蔡人殺之公子履其

其弟也故出奔楚

此下有陳侯弟出奔事取附陳

○初蔡文侯欲

事晉曰先君與於踐土之盟

先君蔡莊公也

晉不可棄且

兄弟也畏楚不能行而卒

宣十七年文侯卒

楚人使蔡無

常公子燮求從先君以利蔡不能而死書曰蔡殺

其大夫公子燮言不與民同欲也

故書國討

丙辰襄二

蔡侯歸自晉

夏朝晉平為宋盟

入于鄭鄭伯享

之

鄭簡公不敬子產曰蔡侯其不免乎日其過此也

君使子展廷勞於東門之外而傲

廷音旺往也

吾曰猶

將更之今還受享而惰乃其心也君小國事大國

而惰傲以為己心將得死乎若不免必由其子其

為君也淫而不父

通大子班之妻君小國古本無小字

僑聞之如是

者恒有子禍

戊午襄三十年

○夏四月蔡世子般弑其君固○冬十月葬

蔡景公

般音班賊未討而獨書葬者遍刺天下之諸侯不討賊而往會葬也

蔡景侯為大子般娶于楚通焉大子弑景侯

靈公

名般景侯子弑父自立襄三十年即位位十一年魯昭十一年為楚殺蔡滅讎法

亂而不損曰靈

庚午昭十一年

○夏四月丁巳楚子虔誘蔡侯般殺之于申

楚公子棄疾帥師圍蔡

般音班

景王問於萇弘

周大夫

曰今茲諸侯何實吉何實凶

對曰蔡凶此蔡侯般弑其君之歲也歲在豕韋

即

嘗襄三十年歲星在子弗過此矣楚將有之然壅

也楚無德而得人所歲及大梁蔡復楚凶天之

道也昭元年歲在大梁西位楚靈王弒立故亦如

然猶楚子在申楚召蔡靈侯靈侯將往蔡大夫曰

王貪而無信唯蔡於感恨其不順今幣重而言甘

誘我也不如無往蔡侯不可三月丙申楚子伏甲

而饗蔡侯於申醉而執之夏四月丁巳殺之刑其

士七十人公于棄疾帥師圍蔡韓宣子問於叔向

曰楚其克乎對曰克哉蔡侯獲罪於君而不能其

民天將假手於楚以斃之何故不克然胙聞之不

信以幸不可再也。楚王奉孫吳以討於陳曰：將定

而國陳人聽命而遂縣之。

襄八年楚王奉陳大子偃師子孫吳討陳城為

縣事今又誘蔡而殺其君以圍其國。雖幸而克必

受其咎。弗能久矣。

咎謂不信再之咎也

楚克有繆以喪其國。

楚為有仍曾有繆叛故伐而勝之

紂克東夷以隕其身。

紂之蒐東夷叛楚

小位下而亟暴於二王。

亟數也再為暴虐

能無咎乎？天之

假助不善，非祚之也。厚其凶惡而降之罰也。且譬

之如天，其有五材而將用之，力盡而敝之，是以無

拯不可沒振。

將用金木水火土之五材必使極盛然後敝之如沒水不可拯救以振之

喻楚子力盡自敵無復救助也

○公羊曰楚子虔何以名絕曷為絕之為其誘討也此討賊也雖誘之則曷為絕之懷惡而討不義

君子不與也

內懷利國之心而外託討賊故不與討賊而責其誘詐

○秋季孫意如會晉

昭

韓起齊

景

國弱宋

元

華亥衛

鑿

北宮佗鄭

簡

罕虎曹

武

人杞

平

人于厥慙

公作

屈

錄

楚師在蔡晉荀吳謂韓宣子曰不能救陳又不能

救蔡物以無親

物事也楚八年滅陳

晉之不能亦可知也已

為盟主而不恤亡國將焉用之秋會于厥慙謀救

蔡也鄭子皮將行子產曰行不遠不能救蔡也

諸

侯之會不遠

蔡小而不順楚大而不德天將棄蔡

決不能救蔡

以壅楚盈而罰之蔡必亡矣

天將棄滅蔡以壅滿楚惡使盈而罰楚所

以蔡必滅亡而諸侯不能救也

且喪君而能守者鮮矣三年王其

有咎乎美惡周必復王惡周矣

昭元年楚子殺君自立後三年為十

三年歲星一周復於大梁

晉人使狐父請蔡于楚弗許

狐父晉大夫

○冬十有一月丁酉楚師滅蔡執蔡世子有以歸用

之

有穀作支靈侯既出世子守國楚既殺靈侯即師圍蔡未暇即位書執見無降服之狀強執以歸而

雷用之書世子許其為父效死守國不降仇也自是楚滅蔡以棄疾為蔡公滅蔡三年

冬十一月楚子滅蔡用隱大子于陶山

隱謚也靈公之子有

其名也用謂以為牲也

申無宇曰不祥五牲不相為用

牛羊豕

其雞為五牲不相用祭本神不用本物也

况用諸侯乎王必悔之

昭十三年

蔡大夫朝吳與平王
謀封蔡入楚事見楚

○公羊曰此未踰年之君也其稱世子何不君靈

公不成其子也不君靈公則曷為不成其子誅君

之子不立非怒也無繼也言靈公罪應誅其子孫

於子孫也蓋以父有弑君父之惡當絕其類而不

當使子繼立也故蔡既不以靈公為君其子雖餘

年不成為繼位君而書子傳義謂書世惡乎用之

子見為靈公種類而國人下以為君也惡乎用之

用之防也其用之防柰何蓋以築防也用築防

壬申昭○蔡侯廬歸於蔡十三年

隱大子之子廬歸於蔡禮也得復國

平侯

名廬靈公孫隱大子少子楚平王後封之昭十三年即位二十年卒在位八年諡法

治而然
靖曰平

○冬十月葬蔡靈公

冬十月葬蔡靈公國復乃葬三禮也

○穀梁曰變之不葬有三失德不葬無君弑君不

葬不計賊如滅國不葬無臣然且葬之不與楚滅

且成諸侯之事也註靈公弑逆無道以至身死國

加乎中國且成諸侯與滅繼絕之善傳謂諸侯會

晉

甲戌昭
十五年○夏蔡朝吳出奔鄭初公作昭無出字以名

以惡

楚費無極害朝吳之在蔡也

朝吳故蔡大夫公孫聲子歸生之子有功

於楚平王故無極恐其寵勝已而疾惡之

欲去之乃謂之曰王唯信子

故處子於蔡子亦長矣而在下位辱

年長位卑必乃為辱耻

求之吾助子請又謂其上之人

蔡人位在吳上者

曰王唯

信吳故處諸蔡二三子莫之如也而在其上不亦

難乎弗圖必及於難夏蔡人逐朝吳朝吳出奔鄭

王怒曰余唯信吳故寘諸蔡且微吳吾不及此女

何故去之無極對曰臣豈不欲吳然而前知其為

人之異也

前知猶言久知也異當作翼字之誤言吳助人如鳥之羽翼故下云速飛吳

在蔡蔡必速飛去吳所以翦其翼也

已卯昭二十年○十有一月辛卯蔡侯廬卒傳作廬

悼公名東國隱大子之子平侯之弟昭二十年平侯卒大子朱立楚費無極取貨於悼公

逐朱立之昭二十二年即位二十三年卒在位三年謚法年中早夭曰悼

庚辰昭二十有一年春王三月葬蔡平公○冬蔡侯朱

出奔楚平王朱穀作東

三月葬蔡平公蔡大子朱失位位在卑朱送葬不居嫡位故

曰在卑大夫送葬者歸見昭子魯大夫送葬者見叔孫婼昭子問

蔡故以告昭子歎曰蔡其亡乎若不亡是君也必

不終詩曰不解於位民之攸墜詩大雅嘉樂篇言人君不懈怠於位

而為百姓所安息今蔡侯始即位而適卑身將從之○蔡

侯朱出奔楚。費無極取貨於東國。即悼公朱之叔父而謂

蔡人曰：「朱不用命於楚，君王將立東國。若不先從

王，欲楚必圍蔡。」蔡人懼，出朱而立東國。朱愬於楚。

楚子將討蔡。無極曰：「平侯與楚有盟，故封其子有

二心。故廢之。靈王殺隱太子，其子與君同惡，德君

必甚。又使立之，不亦可乎？」平侯廢與楚同盟於鄧，故封之。其子朱叛楚，故

廢之言。楚立蔡君與同而棄異也。靈王殺蔡隱大

子。今東國乃隱太子之子，與君同惡。靈王君既殺

靈王，是能為東國報父讐，其德君必甚。亦與楚同矣。又使立之，不亦可乎。且廢置在君。

蔡無他矣。况立蔡君之權在楚則蔡畏之而無他心矣。

壬午昭二
十三年
○夏六月蔡侯東國卒于楚。即悼公朝于楚而卒。胡氏

曰王父殺父見用又奔之失德也故不葬

昭公

名中隱大子之子悼公弟昭二十八年葬昭二十八年昭

乙未定

○楚人圍蔡

蔡侯朝楚子常欲其表佩不得

會晉使蔡伐沈滅之楚為沈故圍蔡傳兄楚

丙申定

○夏歸粟于蔡

去年蔡以吳師入郢已解楚

救災恤鄰故不序諸侯

夏歸粟于蔡以周亟矜無資

亟急也

○穀梁曰諸侯無粟諸侯相歸粟正也孰歸之諸

侯也不言歸之者專辭也義邇也

註不言歸之者主名若獨是魯

也言此是邇近之事故不足列其諸侯

○公羊曰孰歸之諸侯歸之曷為不言諸侯歸之離至不可得而序故言我也。

丁未哀元年 ○楚子昭陳侯隨侯許男圍蔡昭陳侯隨侯許男圍蔡隨世服楚

吳入楚昭王奔隨隨免之卒復楚國楚人德之列於諸侯許定六年為鄭滅今復見者楚封之也

元年春楚子圍蔡報栢舉也里而裁去蔡城一里

廣丈高倍高一丈夫屯晝夜九日杜云夫猶兵也

在壘裏屯守蔡凡九日到垓云丁如子西之素蔡夫屯晝夜不止九日而築壘成

人男女以辨男女各分使疆于江汝之間而還楚欲

使蔡遷國於江水北故蔡於是乎請遷於吳楚既

人更叛楚就吳夫差

戊申 哀
二年

○十有一月蔡遷于州來。蔡殺其大夫公子

駟。州來吳所城邑
淮南下蔡縣

吳洩庸如蔡納聘而稍納師

洩庸吳大夫蔡維請
遷於吳而中悔故因

聘襲

師畢入衆知之。蔡侯告大夫殺公子駟以說

殺駟以說吳言
不時遷駟之為哭而遷墓

將遷與先
君辭故哭

冬蔡遷于州

來

己酉 哀
三年

○蔡人放其大夫公孫獵于吳

公子駟
之黨

庚戌 哀
四年

春王二月庚戌盜殺蔡侯申蔡公孫辰出

奔吳。○夏殺其大夫公孫姓公孫霍

二月公作三月
殺公錢作執

四年春蔡昭侯將如吳

夫

諸大夫恐其又遷也承

杜釋為魯胡氏以為衍文今按公孫翩逐而射之

蔡大也入於家人而卒翩在路遂而射故昭侯以兩

矢門之衆莫敢進翩以兩矢守文之錯後至錯音

夫曰如墻而進多而殺二人錯執弓而先翩射之

中肘錯遂殺之故逐公孫辰公孫姓公孫吁吁音

公孫

○穀梁曰稱盜以弑君不以上下道道也內其君

而外弑者不以殺道道也不書名氏直書盜似非

之不書蔡於盜上而繫君上者疏外弑者使春秋

有三盜微殺大夫謂之盜如十三年冬盜非所取

而取之謂之盜如定三年盜竊寶玉大弓辟中國之正道以襲

利謂之盜即殺中非微者

○公羊曰弑君賤者窮諸人此其稱盜以弑何例傳

大夫弑君稱名氏賤者窮諸人賤謂士也賤乎賤者也則此又非士故

言賤乎賤乎賤者孰謂謂罪人也註罪人者未加刑也

人卒逢其禍故以為人君陳戒不言其君者方當刑放之與刑人義同此與傳異姑錄之

○冬十有二月葬蔡昭公亂故是以葬

成公名朝昭公子哀五年即位在西十九年卒

春秋左傳類解蔡卷之十八終

春秋左傳類解吳越卷之十九

蘆泉劉績編註

吳

今南直隸蘇州府吳縣

姬姓子爵出自周太王長子太伯與其弟仲雍避少弟季歷賢而有聖子去之荆蠻號曰勾吳

勾者發語詞也如勾

越名非

端委以治周禮荆蠻義之歸者千餘家立以為

君長為吳太伯卒無子仲雍嗣立斷髮文身羸以為飭遂不通中華仲雍卒子季簡立季簡卒子叔達立叔達卒子周章立是時武王克殷求大伯仲雍之後得周章已君吳矣從而封之為吳子追封大伯為吳

伯又別封周章弟虞仲于虞城周章卒子熊遂立熊
遂卒子柯相立柯相卒子疆鳩夷立疆鳩夷卒子餘
橋疑吾立餘橋疑吾卒子柯盧立柯盧卒子周繇立
周繇卒子屈羽立屈羽卒子夷吾立夷吾卒子禽處
立禽處卒子轉立古史考作柯轉轉卒子頗高立史考作頗高頗
高卒子句卑立史考作句卑是時晉獻滅虞句卑卒子去
齊立去齊卒子壽夢立吳始大而稱王成七年始見
春秋後至夫差為越滅

越

今浙江紹興府山陰縣

姒姓出自夏后氏苗裔少康之廢子封於會稽以奉

禹祀文身斷髮自號於越於越者夷言發聲也其地
越州城是也濱在南海不與中國通後二十餘世允
常魯定公五年始伐吳允常卒子句踐立是為越王
越王元年定十四年也哀二十二年句踐滅吳伯中
國後七世至王無疆為楚威破殺之盡取吳地至浙
江越以此潰散諸族子爭立或為王或為君服朝于
楚後七世至閔君槿佐諸侯平秦吳越春秋曰少康
封其廢子于越後曰無余隨
陸陵而耕種逐禽獸而給食

壽夢

又名乘成六年即位
在位二十五年卒

庚子
十二年

秋九月吳子乘卒

秋吳子壽夢卒臨於周廟禮也臨衆天也同廟周文王廟祀之凡諸侯之喪異姓臨於外杜云於城同

姓於宗廟同姓臨於所出同宗於祖廟同宗謂同

祖之子也即臨同族於禰廟同族謂同高祖是故

魯為諸姬臨於周廟諸姬同姓國為邢凡蔣茅胙祭臨

於周公之廟六國皆同公子分

諸樊又名過壽夢子襄十三

十四年吳子諸樊既除喪將立季札樊季札辭曰

曹宣公之卒也諸侯與曹人不義曹君即成公將

立子臧子臧去之遂弗為也以成曹君君子曰能

守節君義嗣也誰敢奸君

立君之義在於子孫為繼誰敢干犯此義

有國非吾節也札雖不才願附於子臧以無失節

固立之棄其室而耕乃舍之

癸丑襄二十五年

○十有二月吳子遏伐楚門于巢卒

公穀作謁

巢吳楚間小國廬江六縣東有呂巢城時服屬楚

十二月吳子諸樊伐楚以報舟師之役

在二十四年見楚

門于巢巢牛臣曰吳王勇而輕若啓之將親門我

獲射之必殪是君也死疆其少安

疆場也

從之吳子

門焉牛臣隱於短牆以射之卒

○穀梁曰以伐楚之事門于巢卒也于巢者外乎

楚也門于巢乃伐楚也諸侯不生名取卒之名加

之伐楚之上者見以伐楚卒也其見以伐楚卒何也

古者大國過小邑小邑必飭城而請罪禮也飭城者脩

守備請罪者問所吳子謁伐楚至巢入其門門人

射吳子有矢創反舍而卒古者雖有文事必有武

備非巢之不飭城而請罪非吳子之自輕也非責也

餘祭又名載吳諸樊弟壽夢子襄二

十六年即位○闞弑吳子餘祭祭側

吳人伐越獲俘焉以為闞使守舟吳子餘祭觀舟

闞以刀弑之

丁巳襄二
十九年

○穀梁曰闔門者也寺人也不稱名姓闔不得齊

於人不稱其君闔不得君其君也禮君不使無耻

不知不近刑人曲禮刑人不在君側不狎敵不邇怨賤人非

所貴也貴人非所刑也刑人非所近也舉至賤而

加之吳子吳子近刑人也闔弑吳子餘祭仇之也

○吳子使札來聘

杜云餘祭既遣札聘上國而後弑札以六月到魯未聞喪也

吳公子札來聘見叔孫穆子說之謂穆子曰子其

不得死乎好善而不能擇人吾聞君子務在擇人

吾子爲魯宗卿而任其大政不慎舉何以堪之禍

必及子

宗卿魯同姓也不慎舉謂用人不擇也後昭四年果有豎牛亂請觀於周

樂魯以周公故

使工為之歌周南召南曰美哉始

基之矣猶未也然勤而不怨矣

美哉者贊工歌聲之美也下放此周

南周公旦所主南國之詩召南召公奭所主南國詩基本也二南王道基本於此然猶有商紂餘習

未盡善勤勞未有不怨者不然所以見風化入人深也

為之歌邶鄘衛曰美

哉淵乎憂而不困者也吾聞衛康叔武公之德如

是是其衛風乎

邶在朝歌北鄘在南衛在東武王克商分其地為三立紂子武庚使

管叔蔡叔霍叔豎之武王崩成王幼周公居攝三豎道武庚叛周公滅之更以封弟康叔於衛後衛

并邶鄘其詩皆為衛事淵深也困悴也武公康九世孫亡國之音哀以思其民困衛懿公亡國民雖

憂而不困所以見康武之德入人深也

為之歌王曰美哉思而不懼

其周之東乎

王王國風平王東遷政令不行於天下黍離降為國風不登於雅民雖思

宗周不懼遷東都是文武澤在人也為之歌鄭曰美哉其細已甚民

弗堪也是其先亡乎細煩碎也政煩則民亂故知其先亡為之歌齊

曰美哉泱泱乎大風也哉表東海者其太公乎國

未可量也泱泱弘大之聲大風大國之風化也表作式也為之歌豳曰美

哉蕩乎樂而不淫其周公之東乎豳國名公室所都者在新平漆

縣東北小序以為周公遭變陳后稷先公國化之所由致王業之艱難也蕩廣大貌淫樂之過而失

正者為之歌秦曰此之謂夏聲夫能夏則大大之

至也其周之舊乎小序云秦仲始大有車馬禮樂侍御之好夏中夏也秦本戎狄

國至襄公有功平王平王東遷盡以舊都鄭為之

卿之地揚之言大之至惟周之舊都能然歌魏曰美哉泱泱乎大而婉險而易行以德輔此

則明主也

魏姬姓國閔元年為晉威風颶杜云中

言難處也險阻難也杜作儉非言凡大則難委曲

明主風鳴為之歌唐曰思深哉其有陶唐氏之遺

民乎不然何憂之遠也非令德之後誰能若是

叔所封國其先本堯都後為晉不謂之晉者仍為

之歌陳曰國無主其能久乎

謂淫亂無忌按小序

云無自鄆以下無譏焉

鄆者古高辛氏大正祝融

之北蔡波之南居秦有之間於漢則河南郡密縣

陸終生子六人四曰會人即鄆之祖祝融之後分

為八姓惟有姁姓為鄆國者處祝融之故地鄆下

雅書

小

為之歌小雅

雅者正樂之歌小

曰美哉

思而不貳

思周先王不貳

然而不言

然周後王不言

其周德之衰

乎猶有先王之遺民焉

有文武之遺民故能如此

為之歌大雅

大雅會朝之樂受

曰廣哉

德之廣大

熙熙乎

和樂之聲

曲而

有直體其文王之德乎

委曲有正直

為之歌頌

頌者

美盛德之形容以其成功告于神明也

曰至矣哉

直而不倨

直者易方倨謂

徑直不溫也

曲而不屈

曲者易撓屈謂軋於物也

邇而不偏

邇迫易

遠

而不攜

遠易

遷而不淫

遷變易淫縱

復而不厭

反復易

易

哀而不愁

愁則哀之過而憂悲也

樂而不荒

荒則樂之過而廢正也

用

而不匱

用取易

廣而不宣

廣大易布散

施而不費

施惠於人

必取而不貪

取欲於已必貪

處而不底

處守不底壘

行而不流

行動不五聲和和則不八風平平則不節有度節止

也度法度也謂樂之守有序守執守序次序謂樂

盛德之所同也同聚見舞象箛南籥者象文王之

下管象註云周頌維清乃象舞之樂歌詩小序亦

以雅以南以箛不疑二南中為文曰美哉猶有

憾此天下猶未平也見舞大武者武王曰美哉周之

盛也其若此乎若此者謂大武詩勝殷止殺成其

樂交通是也見舞韶濩者樂曰聖人之弘也而猶

有慙德聖人之難也弘德之大也見舞大夏者禹

曰美哉勤而不德非禹其誰能脩之勤勞水土而

見舞韶削者

韶舞名

曰德至矣哉大矣如天之無不

恃也

上如天無不覆如地之無不載也其大在下如

地無不乘雖其盛德其茂以加於此矣觀止矣若有他

載乘也其大在下如

不乘

雖其盛德其茂以加於此矣觀止矣若有他

樂吾不敢請也

魯用四代樂故及韶削而季子知其終也

其出聘也通

嗣君也

錄祭

故遂聘于齊說晏平仲謂之曰子速

納邑與政無邑與政乃免於難齊國之政將有所

歸未獲所歸難未歇也故晏子因陳桓子以納政

與邑是以免於樂高之難

在昭八年

聘於鄭見子產如

舊相識與之縞帶子產獻紵衣焉

縞縞也帶大帶吳地貴縞鄭地

貴紵故各謂子產曰鄭之執政侈難將至矣政必

獻已所貴

及子子為政慎之以禮不然鄭國將敗伯修謂適衛

說遽瑗史狗史鮪鮪音秋公子荆字南楚公叔發公叔

文公子朝曰衛多君子未有患也自衛如晉將宿

於戚子孫文聞鍾聲焉曰異哉吾聞之也辯而不德

必加於戮夫子獲罪於君以在此杜云辯爭也文

戚懼猶不足而又何樂夫子之在此也猶燕之巢

於幕上君又在殯而可以樂乎衛獻公卒未葬遂去之文

子聞之終身不聽琴瑟適晉說趙文子趙武韓宣子

韓起魏獻子魏舒曰晉國其卒於三族乎說叔向將行

謂叔向曰吾子勉之君侈而多良大夫皆富政將

在家吾子好直必思自免於難

君泰修而自賢則上不可諫大夫皆

富而欲竊政則下不可諫

○公羊曰吳子使扎來聘吳無君無大夫此何以

有君有大夫賢季子也

君書子臣書名蓋夷狄當書國而臣畧書人

何

賢乎季子讓國也其讓國奈何謁也

即諸樊

餘祭也

夷昧也與季子同母者四季子弱而才兄弟皆愛

之同欲立之以爲君謁曰今若是迨而與季子國

迨子各反起也倉卒意

季子猶不受也請無與子而與弟弟

兄迭爲君而致國乎季子皆曰諾故諸爲君者皆

輕死爲勇

爲勇以輕其死

飲食必祝曰天苟有吳國尚速

有悔于予身

祝毒飲食祭祝也尚庶幾也悔咎也言天若不忍棄吳國則當使已速死

而傳國於季子以治吳

故謁也死餘祭也立餘祭也死夷昧也

立夷昧也死則國宜之季子者也季子使而亡焉

僚者長庶也卽之

公羊以王僚爲季子庶兄

季子使而反至而

君之爾闔廬曰

諸樊子光

先君之所以不與子國而與

弟者凡爲季子故也將從先君之命與則國宜之

季子者也如不從先君之命與則我宜立者也僚

惡得爲君乎於是使鱣諸剗僚而致國乎季子季

子不受曰爾弑吾君吾受爾國是吾與爾爲篡也

爾殺吾兄吾又殺爾是父子兄弟相殺終身無已

也去之延陵終身不入吳國故君子以其不受爲義以其不殺爲仁賢季子則吳何以有君有大夫以季子爲臣則宜有君者也扎者何吳季子之名也春秋賢者不名此何以名許夷狄者不一而足也季子者所賢也曷爲不定乎季子許人臣者必使臣許人子者必使子也

使臣謂君使子謂父也言吳以君父尚夷狄不

可專美其臣子故季子雖賢而書名蓋季子來奉君之命故也若在他入則君父不能廢臣子之善

此傳舊註謬

夷昧

又名餘昧又句餘壽夷子餘祭弟襄三十年卽位在位十七年卒

己未襄三

吳子使屈狐庸聘于晉

屈狐庸巫臣子成七年留吳爲

人行通路也。通吳晉道趙文子問焉曰。延州來季子其果

立乎。延陵州來皆季扎邑。服虔云季子讓王位升延陵為大夫食邑。州來傳通言之。巢隕

諸樊。謂門于巢卒。閻戕戴吳。即餘祭。謂閻殺。天似啓之何如。

對曰。不立。是二王之命也。非啓季子也。若天所啓

其在今嗣君乎。甚德而度。有德又度。有法度。德不失民。民歸德。

度不失事。事有法。民親而事有序。其天所啓也。有吳

國者。必此君之子孫實終之。季子守節者也。雖有

國不立。

甲子昭五年○冬楚子靈蔡侯靈陳侯哀許男頓子沈子

徐人越人伐吳

冬十月楚子以諸侯及東夷伐吳以報棘櫟麻之

役

昭四年伐楚入棘櫟麻以報宋方役見楚

遠射以繁楊之師會於夏

汭

水曲為汭夏汭即夏口

越大夫常壽過帥師會楚子于瑣

楚地

聞吳師出遠啓彊帥師從之遽不設備吳人敗諸

鵲岸

遠僻急也鵲岸廣江舒縣有鵲尾渚

楚子以駟至于羅汭

羅水名

吳子使其弟蹶由犒師楚人執之將以繫鼓王使

問焉曰女卜來吉乎對曰吉寡君聞君將治兵於

敝邑卜之以守龜曰余亟使人犒師請行以觀王

怒之疾徐而為之備尚克知之

亟急也尚庶幾也克能也以上命龜

辭龜兆告吉曰克可知也君若驩焉好逆使臣滋

敝邑休殆而忘其死亡無日矣

也殆同茲此也休安也殆韻同忘辭也

今按休殆安其危也言楚若歡迎已則吳知楚怒徐不脩備安於殆而忘其死無戰備可入是滅亡

無日矣今君奮焉震電馮怒虐執使臣將以釁鼓則

吳知所備矣敝邑雖羸若早脩完其可以息師

舊

也迅疾意馮盛也言楚若奮焉如雷電以盛其怒執已釁鼓則吳知楚怒疾而脩備吳雖羸弱若楚師未至而備之則亦可難易有備可謂吉矣且吳以息楚師而不能入矣

社稷是卜豈爲一人使臣獲釁軍鼓而敝邑知備

以禦不虞其爲吉孰大焉國之守龜其何事不卜

一臧一否其誰能常之城濮之兆其報在郊今此

行也其庸有報志

言楚卜與晉戰城濮得吉兆反爲晉敗然應不在此乃在郊之

戰楚敗晉可見臧否不常今吳此行亦用有報志非為目前得失耳乃弗殺楚師濟

於羅汭沈尹赤會楚子次於萊山遠射師繁揚之

師先入南懷楚師從之及汝清南懷汝清皆楚界吳不可

入楚子遂觀兵於城箕之山是行也吳早設備楚

無功而還以蹶由歸楚子懼吳使沈尹射待命于

巢遠啓彊待命于零婁禮也善有備

甲戌十有五年春王正月吳子夷末卒公作夷昧

王僚又名州于夷末子昭十六年即位四年弒

戊寅令尹子瑕言蹶由於楚子平王曰彼何罪諺

十九年所謂室於怒市於色者楚之謂也室家也在家怒而作色於

外喻楚怒吳子不當執其弟舍前之忿可也乃歸蹶由

丙戌昭二
十七年
○夏四月吳弑其君僚

吳子欲因楚喪而伐之去年平王卒使公子掩餘公子

燭庸帥師圍潛二子皆王僚母弟潛楚邑在廬江六縣西南使延州來

季子聘於上國上國中國也吳居偏在東故以中國為上國遂聘於晉

以觀諸侯觀強弱楚莠尹然工尹麋帥師救潛二尹楚官

麋音君左司馬沈尹戌帥都君子與王馬之屬以濟

師都君子在都邑之士有復除者王馬之屬養馬官屬校人也濟益以遂其事也與吳師

遇於窮三子與吳師遇於窮地當吳前令尹子常以舟師及沙汭

而還沙汭沙水曲也左尹卻宛工尹壽帥師至于潛二尹救潛

至其地要吳後吳師不能退吳公子光曰此時也弗可失

也告鱣設諸曰上國有言曰不索何獲我王嗣也

吾欲求之事若克季子雖至不吾廢也鱣設諸曰

王可弑也母老子弱是無若我何光曰我爾身也

諸言王僚母老子弱不能令國人雖弑之後無人為報復是無若我何史記所謂母老子弱而兩公

子將兵攻楚是也舊以諸自言母老子弱與記不合夏四月光伏甲於堀室

而享王堀室為室伏甲王使甲坐於道及其門門

階戶席皆王親也夾之以鉞鉞劍如羞者獻體改

服於門外進蓋者解衣露體易服執羞者坐行而

入執鉞者夾承之及體以相授也進蓋人膝行入門又以鉞夾承

之至體此人不得至王前所
以進食授王左右而進之光僞足疾入于堀室

鱗設諸真劍於魚中以進抽劍刺王鉞交于胷遂

弑王鉞交胷而能闔廬以其子為卿闔廬季子至

曰苟先君無廢祀民人無廢主社稷有奉即無國

家無傾即無廢主乃吾君也吾誰敢怨哀死事生以待

天命非我生亂立者從之先人之道也言非我敢

事闔廬生以亂父子相傳之序吳國自諸哀王僚死

樊不父子傳但兄弟立者從之為君父矣復命哭

墓復位而待吳公子掩餘奔徐公子燭庸奔鍾吾

鍾吾小國二子聞僚楚師聞吳亂而還故奔二國

闔廬

初名光諸樊子僚從兄昭二

已丑昭
三十年

○冬十有二月吳滅徐徐子章羽奔楚列公作禹

吳子使徐人執掩餘使鍾吾人執燭庸二十七年奔者

公子奔楚楚子大封而定其徙昭王定其大封與土田所徙之居

使監馬尹大心逆吳公子使居養監馬官名養楚邑莽莽

然左司馬沈尹成城之使然成城養邑取於城父與胡田

以與之又取城父及故胡子之田與吳二公子將以害吳也子西諫

曰吳光新得國而親其民視民如子辛苦同之將

用之也若好吾邊彊使柔服焉猶懼其至一本作吾好

吾又彊其讎以重怒之無乃不可乎吳周之胄裔

也而棄在海濱不與姬通今而始大比于諸華光

又甚文將自同於先王

杜註周大王王季亦自西戎始此諸華今按吳始大

知中國言其俗變光甚文如先生言其君賢則先生謂大伯也

不知天將以為虐

乎使翦髮吳國而封大異姓乎其抑亦將卒以祚

吳乎其終不遠矣

不知天意將使光為虐削滅其國而更立他姓抑將使光終翦

諸侯禍祚其國二者之來不遠矣

我盍姑億吾鬼神而寧吾族姓

以待其歸將焉用自播揚焉

民者鬼神之主也安民即所以安鬼神族

宗族姓生也謂子孫播揚謂封二公子害吳也

王弗聽吳子怒冬十二月

吳子執鍾吾子遂伐徐防山以水之己卯滅徐徐

子章禹斷其髮

斷髮自刑示欲為臣妾

攜其夫人以逆吳子

吳子唁而送之使其邇臣從之遂奔楚楚沈尹戌

帥師救徐弗及遂城夷即城父使徐子處之

辛卯昭三十二年

○夏吳伐越

夏吳伐越始用師於越也史墨曰

晉大夫

不及四十

年越其有吳乎越得歲而吳伐之必受其凶

此年歲在

星紀吳越分野所在國有福犯之故有咎

丙申定五年

○於越入吳

於發聲也乃夷言其自稱曰於越中國稱之曰越入吳敗吳皆

越人來告故書於越吳伐越則吳來告故止書越

越入吳吳在楚也

時吳伐楚之郢

○公羊曰於越者何越者何於越者未能以其名

通也越者能以其名通也

言安於夷狄禮則夷狄之書於越能行中國禮

則中國之書越

乙巳定十四年

○五月於越敗吳于檇李吳子光卒

檇音醉吳郡嘉

與縣南醉李城

吳伐越

越光常死與吳伐之報五年入吳

越子句踐禦之陳于檇

李

句踐光常之子

句踐患吳之整也使死士再禽焉不動

使罪人三行屬劍於頸

音燭

而辭曰二君有治臣奸

旗鼓不敏於君之行前不敢逃刑敢歸死遂自剄

也

以不敏在行列前故欲援死也歸死猶授死也

師屬之目越子因而伐

之大敗之靈姑浮以戈擊闔廬闔廬傷將指取其

一屨

將指足大指也

還卒於陘去檇李七里夫差使人立

於庭苟出入必謂已曰夫差而忘越王之殺而父
乎則對曰唯不敢忘三年乃報越

夫差

光子定十五年即位在
位二十三年為越滅

丁未哀
元年

吳王夫差敗越于夫椒

吳縣西南大
湖中椒山

報檣

李也遂入越越子以甲楯五千保于會稽

會稽山
名在山

陰縣

使大夫種因吳大宰嚭以行成

嚭故楚伯州
犁孫奔吳為

大宰吳子將許之伍員曰不可臣聞之樹德莫如滋

去疾莫如盡

一作
去

昔有過澆殺斟灌以伐斟鄩滅

夏后相

澆寒浞子封於萊州掖縣過地二斟夏同
姓諸侯后相啓孫也時失國依之復為澆

滅后緡方娠逃出自竇歸于有仍

仍后緡
夏諸侯國相

妻有仍氏女故歸之生少康焉為仍牧正牧官長其澆能戒之

其毒也能澆使椒求之椒澆之臣逃奔有虞為之庖

正以除其害有虞舜後為諸侯者河南開封虞城

禹封之於杞掌膳蓋官其澆殺已之害虞思於是妻之以

二姚而邑諸綸姚思虞君名姚虞姓也舜生於有田

一成方十里有衆一旅五百人為旅能布其德而兆

其謀兆猶衆也以收夏衆撫其官職使女艾謀澆女艾

使季杼誘豷季杼少康子遂滅過戈滅澆于

復禹之績祀夏配天不失舊物今吳不

如過而越大於少康或將豐之不亦難乎若聽其

越大句踐能親而務施親愛其民施恩惠不失人親不

棄勞與我同壤而世爲仇讎於是乎克而弗取將

又存之違天而長寇讎長養也後雖悔之不可食已

與之成後雖悔不可消食其成之言姬之衰也日可俟也介在蠻夷

而長寇讎以是求伯必不行矣弗聽退而告人曰

越十年生聚而十年教訓生民聚財富二十年之

外吳其爲沼乎謂宮室廢爲汙渚也三月越及吳平吳入越

不書吳不告慶越不告敗也○吳師在陳八月侵陳脩舊

怨見楚大夫皆懼曰闔廬惟能用其民以敗我於

柏舉令聞其嗣又甚焉將若之何子西曰二三子

恤不相睦無患矣昔闔廬食不二味居不重席

室不崇壇平地作室不起壇器不彤鏤朴素不冊刻宮室不觀

不為觀美杜云觀臺謝車舟不飾衣服財用擇不取費擇粗畧不

取細廉費工也在國天有災厲親巡其孤寡而共其乏困

在軍熟食者分而後敢食必須軍士皆分熟食不致先食分猶餽也其

所嘗者卒乘與焉勤恤其民而與之勞逸是以民

不能罷勞死知不曠民知致死不曠棄吾先大夫子常易

之所以敗我也今聞夫差次有臺榭陂池焉次止也

宿有妃嬪嬪御焉嬪妃貴者嬪御賤者皆女官一日之行所欲

必成玩好必從珍異是聚觀樂是務視民如讎而

用之日新夫先自敗也已安能敗我

乙卯哀九年

秋吳城邾

音寒

溝通江淮

穿溝東北通射陽湖西北至宋口入

淮廣陵音江是也

丁巳哀十一年

吳將伐齊

在今年即艾陵戰

越子率其衆以朝焉

王及列士皆有饋賂吳人皆喜唯子胥懼曰是秦

吳也夫

秦養也言越養吳如養性將殺之也

諫曰越在我心腹之

疾也壤地同而有欲於我

地近欲并吳

夫其柔服求濟

其欲也不如早從事焉

越得志於齊猶獲石田也

無所用之

齊地不相連獲地如石田不可耕故無所用

越不爲沼吳其

泯矣

沼汗谿也

使醫除疾而曰必遺類焉者未之有也

盤庚之誥曰有顛越不共則剝殄無遺育無俾易

種于茲新邑

盤庚商書篇名刺截其鼻也顛隕踰越不恭上命則剝滅無遺生無使移

其種於此新邑

是商所以興也今君易之將以求大不亦

難乎

吳不同商道而求伯諸侯決不可成

弗聽使於齊屬其子於鮑

氏為王孫氏

貝私使人至齊屬其子改姓為王孫以避吳禍

反役

吳伐齊敗齊於

陵

王聞之使賜之屬鏹以死

劍名也

將死曰樹吾墓

櫨可材也吳其亡乎三年其始弱矣盈必毀天

之道也

吉凶消長自然之理

己未哀十三年

公會晉侯及吳子于黃池○於越入吳

黃池

衛地陳留封丘縣南有黃亭近濟水

夏公會單平公晉定公吳夫差於黃池六月丙子

越子伐吳為二隧

也隨道

疇無餘謳陽自南方

二子

夫先及郊吳大子友王子地王孫彌庸壽於姚自

泓上觀之

友地皆夫差子四

彌庸見姑蔑之旗

姑蔑

起地東陽大

吾父之旗也

彌庸父為越人獲其旗不

可以見讎而弗殺也大子曰戰而不克將亡國請

待之彌庸不可屬徒五千王子地助之乙酉戰

及

彌庸獲疇無餘地獲謳陽

二越子至王子地

守丙戌復戰大敗吳師獲大子友王孫彌庸壽於

姚丁亥入吳吳人告敗于王王惡其聞也自劉七

人於幕下殺告者七秋七月辛丑盟吳晉爭先吳

人曰於周室我為長伯後大晉人曰於姬姓我為

伯為侯伯主盟趙鞅呼司馬寅寅晉大夫曰日旰矣大

事未成二臣之罪也旰晚也大事盟建鼓整列二

臣死之長幼必可知也以勝對曰請姑視之及曰

肉食者無墨杜註氣色下也今吳王有墨國勝乎大子死

乎且夷德輕不忍久請少待之乃先晉人盟不書

之故吳人將以公見晉侯子服景伯對使者即子服何

曰王合諸侯則伯帥侯救以見於王伯主九州長

州之長入天子之國曰救於外日侯天子合諸侯則王官伯帥侯救以見天子獨言侯救舉尊以包

車伯合諸侯則侯帥子男以見於伯

伯合諸侯則侯帥子男見

伯侯帥九州長

自王以下朝聘玉帛不同故敝邑之職貢

於吳有豐於晉無不及焉以為伯也今諸侯會而

君將以寡君見晉君則晉成為伯矣

是吳為侯帥子男見晉伯

敝邑將改職貢曾賦於吳八百乘若為子男則將

半邾以屬於吳而如邾以事晉

吳為伯曾為侯故舊貢吳八百乘

今吳帥魯見晉則魯降為子男矣邾是子爵以六百乘貢吳以吳為伯故也魯既以晉為伯吳為叔

則將半邾三百乘以屬於吳如邾六百乘以事晉

且執事以伯召諸侯而

以侯終之何利之有焉吳人乃止既而悔之將囚

景伯景伯曰何也立後於魯矣

何景伯名將以二乘與

六人從遲速唯命遂囚以還及戶牖陳晉外黃縣西北東晉城

也是謂大宰曰曾將以十月上辛有事於上帝先王

季辛而畢何世有職焉自襄以來未之改也若不

會祝宗將曰吳實然魯祝宗告神景伯不魯祀坐為吳囚吳俗信鬼神此恐之

且謂曾不共而執其賤者七人何損焉景伯與六人大

宰詒言於王曰無損於魯而祇為名適為名不如歸

之乃歸景伯吳申叔儀乞糧於公孫有山氏有山氏魯

大曰佩玉繁兮余無所繫之繁佩重貌言玉服飾備不分人已無所佩

杜云繁然旨酒一盛兮余與褐之父睨之褐者之

服也王有美酒一器不飲對曰梁則無矣麓則有人已與樂賜者但得祝之

之若登首山以呼曰庚癸乎則諾

杜云梁精米飯云求梁米飯

則無矣麗者則有之若我登首山呼庚癸女則諾

軍中不得出糧故為私隱語庚西方主穀癸北方

主水欲并致其飲也蓋有山素備王欲伐宋以下

故殺其丈夫而囚其婦人作大宰嚭曰可勝也

而弗能居也能遠下乃歸冬吳及越平

○公羊曰吳何以稱子吳主會也吳主會則曷為

先言晉侯不與夷狄之主中國也其言及吳子何

會兩伯之辭也不與夷狄之主中國則曷為以會

兩伯之辭言之重吳也曷為重吳吳在是則天下

諸侯莫敢不至也

以晉大國尚汲汲於吳則知諸侯莫敢不至也

○穀梁曰黃池之會吳子進乎哉遂子矣書吳夷

狄之國也祝髮文身欲因魯之禮因晉之權而請

冠端而襲其籍于成周以尊天王吳進矣祝斷也

衣冠相襲也籍謂書貢獻物于王之籍也言吳本夷狄欲衣冠通籍于周以尊天王是能進吳

東方之大國也累累致小國以會諸侯以合乎中

國吳能爲之則不臣乎吳進矣累累猶數數也不臣豈不臣言吳本

大國致小國不以教而以王尊稱也子卑稱也辭會諸侯行中國禮是能進

尊稱而居卑稱以會乎諸侯以尊天王吳王夫差

曰好冠來孔子曰大矣哉夫差未能言冠而欲冠

也吳本夷狄不知冠制而欲好冠是用夏變夷故也凡子大之此又通上二節論吳稱子會諸侯時

天子舉其會之言而見其進也

辛酉哀

夏楚子西子期伐吳及桐汭

宣城廣德縣西南有桐水

出白石山西北入丹陽湖內水曲也

陳侯使公孫真子弔焉

陳閔公使真子

弔及良而卒

良吳地

將以尸入

聘禮若賓死未將命則既歛於棺造於朝

介將

吳子使大宰嚭勞且辭曰以水潦之不時無

乃廩然隕大夫之尸

廩然傾動貌恐真子抃涉水墮

以重寡君

之憂寡君敢辭上介

上介正使真子也謂勿以尸入

芋尹蓋對曰

寡君聞楚為不道荐伐吳國滅厥民人寡君使蓋

備使弔君之下吏

芋音喻陳大夫杜云備猶副也使已副真子之使

無祿

使人逢天之慙大命隕墜絕世于良

絕世猶言棄世良即前良

地廢日共積一日遷次

以喪故廢日供委積於今良今將就遷不敢停此

君命逆使人曰無以尸造于門是我寡君之命委

於草莽也

原野生草莽莽然

且臣聞之曰事死如事生禮

也於是有朝聘而終以尸將事之禮

使道死以又尸將事

有朝聘而遭喪之禮

若所使國有喪則還

若不以尸將命是

遭喪而還也無乃不可乎以禮防民猶或踰之令

大夫曰死而棄之是棄禮也其何以爲諸侯主先

民有言曰無穢虐士

虐士謂死者無穢以死者爲穢

備使奉尸將

命苟我寡君之命達于君所雖隕於深淵則天命

也非君與涉人之過也吳人內之

癸亥哀
十七年
三月越子伐吳吳子禦之笠澤夾水而陳

越子為左右句卒句卒鈞伍相着別為左右屯使夜或左或右

鼓譟而進吳師分以禦之越子以三軍潛涉當吳

中軍而鼓之吳師大亂遂敗之

丙寅哀二十年吳公子慶忌吳邑豫章諫吳子曰不改必亡弗聽

出居于艾有艾縣遂適楚聞越將伐吳冬請歸

平越遂歸欲除不忠者以說于越吳人殺之十一

月越圍吳趙孟降於喪食喪子無恤時有父簡子喪飲食又降於居喪

楚隆曰蔡子三年之喪親暱之極也主又隆之無

乃有故乎趙孟曰黃池之役先主與吳王有質盟誓

信曰好惡同之今越圍吳嗣子不廢舊業而敵之

非晉之所能及也言已欲繼父志歟越救吳然晉與吳相去遠不能及吾是

以爲降楚隆曰若使吳王知之若何趙孟曰可乎

隆曰請嘗之乃往先造于越軍曰吳犯間上國多

矣聞君親討焉諸夏之人莫不欣喜唯恐君志之

不從恐越君志不遂請入視之許之告于吳王曰寡君

之老無恤使陪臣隆敢展謝其不共敢陳謝不共罪黃池

之役君之先臣志父得承齊盟曰好惡同之今君

在難無恤不敢憚勞非晉國之所能及也使陪臣

敢展布之王拜稽首曰寡人不佞不能事越以爲

大夫憂拜命之辱與之一簞珠使問趙孟問趙孟也曰

句踐將生憂寡人寡人死之不得矣言使我生受憂雖欲死不得

得王曰溺人必笑溺者不務急而且問人如吾將有

問也史黯何以得為君子即晉大史蔡墨昭二十一年云不及四十年越必

有吳王感其言故問其人對曰黯也進不見惡用不退無謗言

舍不尤人王曰宜哉

戊辰哀二冬十一月丁卯越滅吳請使吳王居甬

東越地會稽句章縣東海中洲也辭曰孤老矣焉能事君乃綏越

人以歸

春秋左傳類解吳越卷之十九終